

No. 985. 1444. 11. Juli.

*B. Johann eignet mit Zustimmung des Capitels dem Dechant Caspar von Schönberg das von diesem erkaufte zu Begehung seines Jahrgedächtnisses in der Domkirche bestimmte Dorf Kesselsdorf mit allem Zubehör, behält jedoch sich und seinen Nachfolgern das Recht des Wiederkaufes vor.*

Wir von gots gnadin Johannes bisschof zcu Miessen bekennen — das der ersame vnde wirdige herre Caspar von Schonberg techand vnde thumherre vnsir kirchin zcu Missen vor vns gebrocht hat, wie er dem vorsichtigim Petir Czuczkbürger zcu Dresdin vnsirem libin getruwen das dorff Kessilstorff genant mit sechs schog sechs grosschin vnde vir helleren geldis ierlichin renthen — [abegekouft hat], als das Petir Czuczkbürger vormals von vnsiren vorfaren vns vnde vnsir kirchen zcu Missen gehabt hat, vnde hat vns vlißlich vnde andechtiglichin gebetin ym das gnannte dorff zcureichen vnde zcu lyhen, habin wir angeschin syne vlissige dinste, die er mit seynen frundin vns vnde vnsir kirchin manchfeldig vnde getruwlich gethon hat, vnde habin ym das gnante dorff Kessilstorff mit willin vnde wissin vnsirs capittels zcu Missen gereicht vnde geligin — mit allin renthen erbgerichten czinsen genysen nuczbarkeithin reynen vnde greniczen vnde dem kirchlehin doselbist, als das Petir Czuczkbürger vormals gehabt hat, vnde vorezihen vns allir gerechtigkeit, die wir addir vnsir nochkommende bisschoue an dem obingeschrebin dorffe mit seynen zugehorungen hettin addir gehabin mochtin —. Wir gebin ouch ganzin willin gunst vnde volwort vor vns vnde vnsir nochkommende bisschoue zcu Missen, das der mehri gnante herre Caspar von Schonberg das iczund gnante dorff Kessilstorf mit — allin zugehorungen der kirchin vnde capittile zcu Missen zcu seynem zelgerethe — bescheyden moge, — so doch das noch synem tode wir addir vnsir nochkommende bisschoue zcu Missen mogen den abekoff der gnanten czinse vnde iarrenthen habin, vnde sullin addir mogin denne ye das schogk vor achezehin schog grosschin des landes werunge abekoufin —. Des zcu warem vnde groserem bekentnisse habin wir vnsir groß sigil vor vns vnde vnsir nochkommende bisschoue zcu Missen an dissin briff hengin lassin, der gegeben ist noch Cristi geburt tausind virhundirt, dornoch yn dem vir vnde virczigistem iare am sunabunde vor Margarethe. Do bey sint gewest der erhafftige meistir Andreas Gruner, die czit vnsir official, vnde Nicolaus Cleticz vnsir schriber vnde libir getruwir vnde ander gnug, den wol ist zcugloben.

Vnde wir nachgeschrebenne Lampertus von Sehusen senior vnde das ganze capittel zcu Missen bekennen — daz das alles mit vnserm guten willen wissen gunst vnde fulbort geschen ist ꝛc.

Nach dem Orig. im Stiftsarchiv zu Meissen mit den Siegeln des Bischofs und des Capitels an Pergamentstreifen. Die Genehmigung des Capitels ist auf ein angeheftetes Pergamentblatt geschrieben.